

221) поють на 1-мъ часу стихиру евангельскую и по стихѣрѣ облачаются въ олтари по чину. По отпустѣ 1-го часа начинается прото-діаконъ молебень велегласно: Благослови владыко; святитель: Благословенъ Богъ нашъ, а протопопы и священницы соборные и градскіе, вышедъ изъ олтаря, ставятся по ликомъ и по началѣ творятъ ко святителю поклоненіе два-два, и поють молебень по уставу, а на молебнѣ канонъ Успенію Богородицы поють по ликомъ, да чудотворцамъ Никитѣ и Іоанну говорятъ подіаки на налогѣхъ, а за Достоивно поють: Владычице *прими*. Также ектенія, и по ектеніи святитель возгласъ, и по возгласѣ отпустъ со крестомъ средѣ церкви. Также, ставъ на мѣстѣ свосмъ, святитель глаголетъ поученіе протопопомъ, іереомъ и діакономъ, всѣмъ во услышаіе:

Братіе, присѣ время духовныхъ подвиговъ начало, яже на бѣсы побѣда, всеоружное воздержаніе, аггельское благолѣпіе, (об. 221) еже къ Богу дерзновеніе: пріиде постъ, мати цѣломудрію, обличитель грѣхомъ и проповѣдникъ покаянія, сожитіе аггеломъ и спасеніе чловѣкомъ; покаянію наста время, воздержанію показавъ плоды. Постимся постомъ пріятнымъ благоугодно Господеви. Истиненъ постъ, еже злыхъ отчужденіе, воздержаніе языку, ярости отложеніе, похотемъ отлученіе, клеветы и лжа и клятвопреступленія, еже сихъ умаленіе постъ есть истиненъ и благопріятенъ. Начнемъ, людіе, непорочнаго сего поста, иже душамъ спасеніе; поработаемъ Господу со страхомъ.

### Поученіе епископле іереомъ.

Слыши, іерейскій преподобный соборе, къ вамъ ми слово, понеже вы наркостеся земніи аггели, небесніи чловѣцы. Вы со аггелы предстоите у престола Господня, вы съ серафимы носите Господа, вы сводите Духъ Святый съ небесъ и претворяете хлѣбъ въ плоть (л. 222) и вино въ кровь Божию чловѣкомъ невидимо (мнози же святіи видѣша и нынѣ достойни видятъ); вы просвѣщаете чловѣки божественнымъ крещеніемъ, вы связаете на земли, Богъ не разрѣшаетъ на небеси. Вами совершаетъ Господь тайны святѣвнѣ роду чловѣческому, васъ стража постави и пастухи своихъ словесныхъ овецъ, занеже Богъ нашъ пролія честную свою кровь; вамъ преда талантъ, егоже хочетъ отъ васъ истязати во вторый свой приходъ. И какъ и умножили будете данный вамъ даръ, како будете унасли стадо словесное Христово, како будете соблюли святыню вашу нескверну, какъ будете <sup>1</sup> не соблазнили вѣрныхъ? Рече бо Господь: лучше вязати жерновъ

<sup>1</sup> будетъ.

на выи, ѳмиже осель мелеть, и погрузитися въ мори, неже соблазвити единого отъ малыхъ чловѣкъ.<sup>1</sup> Души бо единой чловѣчестѣи не точень весь мѣръ; (об. 222) како же, яже многи душа соблазвивый, не погрузитъ ли ся во огни негасимомъ? Простецъ бо согрѣшивый за свою едину душу отвѣтъ дастъ, іерей же, согрѣшивъ, соблазни многихъ и за тѣхъ душа отъ Бога осужень будетъ. Отселъ блюдитесь всякаго грѣха, не работайте плоти, отверзите отъ себе цѣльство, обьяденіе; лишитесь тяжъ и сваровъ, вражды и хулы на друга и сквернаго ризоманія<sup>2</sup>, поруки и клятвы и лжа, скупости, ненависти, лукавства и отъ всѣхъ дѣлъ сатаниныхъ соблюди се себе. Блюдите же и сущихъ подъ собою чловѣкъ, и како научите, какъ на судѣ Господня пепорочны поставите и како речши: се азъ и дѣти мои, яже ми есть даль Богъ? <sup>3</sup> Умножите талантъ, даный вамъ отъ Бога во освященіе. Азъ бо грѣшный вся сія рекохъ вамъ и ничто же скрыхъ отъ васъ; вы бо нестяжете Богъ, аще съ лѣпостію пачнете дѣло Божіе. А лжихъ (л. 223) книгъ не почитайте и сретисъ уклоняйтесь, глаголющихъ не отъ божественныхъ писаній загражайте уста; аще кто васъ не умѣеть, мене спросите: азъ не лѣнюся глаголати вамъ. А кто воспротивится вашему правовѣрїю, мѣ повѣжете, и азъ обличю ѳ и отъ церкви отжену. Разумѣйте же, како держати дѣти духовныя не слабо, да не лѣпиви будутъ, ни жестоко, да не отлучатся; не дару дѣла пращающе, ни взятія дѣла горко наскачюще. Разумѣйте, кого отлучите тѣла и крови Господня, кого ли отъ церкви, кого ли отъ оглашенныхъ на колико время. Аще самъ недоумѣши, вступи умѣющаго, не стыдися: просай бо пути божественаго, и ины наставитъ нанъ, а не прося, слѣпъ ходитъ, и слѣпый же у него кастся. Блюдите же и чадъ вашихъ, родившихся отъ васъ, да не осквернятся до жены блудомъ и дѣвица до мужа. Любо и святитель, безъ грѣха бывъ предъ Богомъ, за сыновя (об. 223) грѣхи посланъ будетъ въ муку; челядь свою наказующе, гладомъ не моряще. Ся вся, любя вы, написахъ; аще енце сохраните, молитва ваша услышана будетъ къ Богу и земли нашей работа облегчится.

### Поученіе инокомъ.

Моло же ся, братія моя мниси, достойно ходите по иноческому заѣщанію и по имени, имже нарекошеся. И ризу спасенія пріемше, нескверну и чисту собности ю потщитесь, сохраняюще обѣщанія, яже дасте предъ Богомъ, и предъ ангелы святыми написана быша убо

<sup>1</sup> Лук. XVII, 2.—<sup>2</sup> рѣзоманія.—<sup>3</sup> Исаи VIII, 18.